



Tir Yimyim

www.tiryimyim.in

Regd. No. RNI. NAGAAO/2004 / 13113. Postal-NE/RN-717.

e-mail : tiryimyim@gmail.com

TAPAK 3 Yangia anidakangma : [f](#) Tir Yimyim

[tiryimyim@aolima](#)

[tir yimyim](#)

TAPAK 7

Asükwa mongpu Parliament
December 4 nungi tenzüksü

Sentong kanga junga yanglur
Sierra Leone yimtiba amak: Bah



VOL. XXI NO. 51 (ADOK 51) DIMAPUR SANGTENNÜ (TUESDAY)

YIMPOKSÜI (NOVEMBER) 28, 2023 ₹ 5.00

Tanü INS Imphal jahaz sayatsü



Imphal, November 27, 2023

(Agencies): November 28 nü Indian Navy indang INS Imphal sayatsü aser iba ya Manipur state kanga dang nüma atangba mapang ka lir.

INS Imphal ya Indian Navy indang guided missile stealth destroyer tasentiba lir.

"INS Imphal ya kanga dang tongtipang kechiyong iba ya mezüngbuba Visakhapatnam-Class warship lir" ta Manipur chief minister N Biren Singh-i metedaktsü.

INS Imphal sayaba ya Manipur nunger atema nüma indang osang kecha mali. Kokrajhar nung magitet nunga parnoki December ita Guwahati nung alitsüla" ta paisa ashi.

"Iba nung chief minister-i tebang ayir ama ni bilemer. Chief minister-i assembly inyaksangshi nung tebang maitsüla aser assembly-i shinga kubok mesüi mapa inyaktsüla" ta Saikia-isa metedaktsü.

"Iba ya magizüker. Sorkari opposition indang temetentem rakzüknür. Parnoki opposition den majurutepnür. Lok Sabha elections matongdang parnoki opposition ola nembangsünür" ta AIUDF MLA Ashraful Hussain-ia ashi.

Assam state sorkari budget nung sangoktsübatem mapa küma meinyakteter aser iba jagi parnoki nübortem nem tebilemtsü onüktem memetedaksünür ta Hussain-isa ashi.

"Assembly winter session

Churachandpur nungi poppy alutem samatsüogo

Imphal, November 27, 2023

(Agencies): Manipur nung ozüng alema poppy lu ayimba azüoktsü maparen asadangtsü atema Chief Minister N Biren Singh-i joint survey ka kettangsüa agiogo.

"Churachandpur nung Police, Forest Department, Narcotics and Affairs of the Border (NAB), Assam Rifles (AR) aser District Administration kulemi yaritepa inyakba ajanga tesem pungu nung takok ngua mapa inyakogo

Gaza nung Israel-Hamas ceasefire atsülangtsü: Qatar

Doha, Qatar, November 27, 2023 (Agencies): Israel aser Hamas tsüngda rara ano anogo ananü atema anena atatsü ta Qatar-i Hombarbü metedaktsü.

Israel aser Hamas süngda Gaza nung anogo pezünü rara anenba tembangba anogo nung tiyongtsü nung jembir Qatar-i iba osang metedaktsü.

"Gaza Strip nung humanitarian truce anogo ananü atsülangtsü atema tenangzükte ka agiogo" ta Qatari foreign ministry spokesman Majed Al Ansari-i ashi.

United States aser Egypt ajanga nungita Qatar-i Gaza nung rara anena atatsü atema telok

anaprong den olemtepa arur.

Anogo pezünü rara anena atatsü tenzükba sülen Hamas-i pua aliba civilian 50 shi ka chioctsü imlaa liasü.

Iba melena Israel-i parnok tepuokdak yua aliba Palestine nunger 150 chioktsü mulungtep.

Rara anener anogo asem tashi nung Hamas-i Palestine nunger 117 melena Israel nunger 39 chiokogo.

Qatar-i anir linük balalai Hamas den jembia aruba sülen parnoki Thailand nunger 17, Philippines nunger 1 aser Russian-Israeli senso ka chiokogo.

Qatar aser Egypt nati ashiba

ama Israel den anogo ananü kasa tatemzükba kubok ceasefire alitsü mulungogo ta Hamas-i metedaktsü.

"Qatar aser Egypt nung adianutem den anogo ananü atema temporary humanitarian truce atsülangtsü tenangzükba agiogo" ta Hamas kettangsür kati ashi.

Israel aser Hamas tsüngda nisung chiokteptsü atema renemer. Deobarnü Hamas-i nisung 17 chiokogo aser iba melena Israel-ia nisung 39 chiok.

Hamas-i nisung 240 shi pua aliba nungi 62 chiokogo, ka Israeli forces-i kümzük aser ana Gaza telung nung sur aliba angu.

Mizoram nung votes azüngtsü atema dress rehearsal agitsü

Aizawl, November 27, 2023

(Agencies): Mizoram Election department-i state assembly election indang votes azüngtsü atema kettangsürtem arangshir.

"Brihostibarnü Encore portal ajanga full dress rehearsal ja agitsü" ta Mizoram Chief Electoral Officer (CEO) Madhup Vyasa ashi.

"December 3 nü votes azüngba maparen nung counting personnel 4,000 shi kati shilem agitsü. Mizoram kubok counting centres 13 nung votes azüngtsü aser counting halls 40 alitsü" ta Additional CEO H Lianzela-ia ashi.

"Votes azüngtsü atema EVM tables 399 aser postal ballot tables 56 lir. Iba maparen atema security maparen kanga

akangshiigo" ta Director General of Police (DGP) Anil Shukla-ia metedaktsü.

Tensa azüoktsü atema Central Armed Police Forces (CAPF), IRBN aser Mizoram armed police mapa lemkütsügo. EVMs ajak district headquarters nung aliba strong rooms nung jungjunga yua lir ta pai ashi.

Külen, züngsem 5 agi akümba Mizoram NGO Coordination Committee (NGOCC) teshimtet telok kati Mongulbarnü Delhi nung Election Commission kettangsürtem den ajuruteptsü. Idangi parnoki counting date melenshitsu atema mepishitsü.

Khristantem atema temeshi anogo nung masü saka tanga anogo ka nung votes azüngtsüla ta Mizoram nung political party

tem, civil societies, arogotem aser tanga teloktemi Election Commission dang shia arur.

Züngsem 40 agi akümba Mizoram assembly indang election November 7 nü agia liasü.

Taküm assembly election nung tetsür 18 dena candidate ajak agi 174 liasü. Mizo National Front (MNF), opposition party Zoram People's Movement (ZPM) aser Congress telokemi menden 40 prong nung toktep. Maneni, BJP-i menden 23 aser Aam Aadmi Party (AAP)-i menden 4 nung toktep.

November 2018 Mizoram assembly election nung MNF-i menden 26, ZPM-i menden 8, Congress-i menden 5 aser BJP-i menden 1 nung takok nguteta liasü.

42 buba IITF nung Nagaland-i sempet agizük



Dimapur, November 27, 2023 (TYO): 42 buba India International Trade Fair (IITF) nung Nagaland Pavilion-i sempet tajung ka agizükogo.

Pragati Maidan, New Delhi nung amongba sentong IITF tembangba sentong nung Nagaland nem Special

Appreciation Medal on Thematic Presentation (State) agütsü. Iba ya kanga junga sayutetba atema agütsüba sempet lir.

Küm shia amongba IITF nung Nagaland nungi entrepreneurs 25-i handloom & handicrafts sayua liasü, ta Deputy Director IPR, Nagaland House New Delhi,

Kuolie Mere-i sangdong ka nung metedaktsü.

Iba sentong tembangba anogo nung India Trade Promotion Organisation (ITPO)-i telemsa 12 nung sempettem agüja liasü.

Iba sentong nung Nagaland State Pavilion Director Kikhumthong aser Assistant Pavilion Director Areninla nati state tenüng nung sempet agizük.

42 buba IITF ya November 14 nungi 27, 2023 tashi Pragati Maidan, New Delhi nung 'Vasudhaiva Kutumbakam: United by Trade' omen nung ajemdaker ayongzüka agi.

Iba sentong nung linük 13-i shilem agi aser Bihar, Jharkhand o Kerala-i partner states aser New Delhi, Jammu & Kashmir, Maharashtra aser Uttar Pradesh-i focus states ama shilem agia liasü.

Kohima nung State Handloom Expo tenzükogo



Kohima, Yimpoksüi/Nov. 27

(TYO): Nagaland aser kidanger state tem nungi ola-angla amshirtem aser artisans tem nem maongka agütsütsü nükjidong nung Nagaland Apex Weavers & Artisans Cooperative Federation Ltd. Dimapur (WEAFED) ajanga anogo 14 atema Kohima nung State Handloom Expo (Hathkargha Mela) ayongzüka lir.

Iba sentong ya "My handloom my pride" omen nung ajemdaker ayongzük, kong weavers aser artisans 60-i traditional wears, handloom & handicrafts, wood & bamboo crafts densema pei sasa yanglutetba osettsüset sayur. Parnok ya Assam nungi trok aser tanüngbaji Nagaland nung lir aser iba sentong ya Gorkha

Public Panchayat Hall, Chandmari, Kohima nung ayongzüka lir.

Deputy Registrar, Cooperative Societies, Nagaland, Bokato Hesso-i iba expo ya Hombarnü semzüksü, koba December 10 tashi alitsü.

Hesso-i iba expo semzüksüdang, südaker aser artisan tem ajungmesoa market avenues tajungba dangi anir arutsü mech Tribal Cooperative Marketing Development Federation of India (TRIFED) ajanga Kohima nung showroom ka lapoka lir, ta ashi.

Südaker aser artisan tem temaba jenjangi ajungketa parnoki yanglutetba oset ayoktsü asoshi sapang ka ama iba sentong ayongzükba atema pai Managing Director,

WEAFED Gwaruno Khing aser par team dang pelaba lemsatepa liasü.

Iba expo sponsor asüba atema pai Development Commissioner for Handlooms, Ministry of Textiles, Government of India nem tenüngsang agütsü.

Hornbill Festival amshia iba expo ayongzükba ajanga südaker aser artisans tem tali ajangzüksü imlar, ta WEAFED MD Gwaruno Khing-ia ashi.

Tensa mejungi aliba ajanga Manipur nungi artisans aser weavers tem arua shilem magitet, ta pai metedaktsü.

Iba expo ya anepdang 9:30 ako nungi nikongdang 3:00 ako tashi anogoshi lapoktsü aser yangi Nagaland aser Assam nung yanglutetba teka mapa balala angutsü, ta pai ashi.

Ex-Servicemen League senden ayonger

Dimapur, Yimpoksüi/Nov. 27 ta sangdong ka ajanga ashi.

(TYO): Ex-Servicemen League Dimapur, Chümoukedima aser Niuland District tem senden ka ARTC, 3rd Mile, Chümoukedima nung December 9, 2023 ayongzüker ta sangdong anepdang 10:00 ako nungi alitsü, ajangasa ashi.

Kohima nung National Integration Tour 'flag in' süogo



Dimapur, Yimpoksüi/Nov. 27 General M V Suchindra Kumar

(TYO): Assam Rifles puri aser India tir den ajurutepa liasü. Iba sülen parnoki train ajanga Amritsar-i ao aser Wagah Attari Border nung Beating Retreat Ceremony repranga liasü.

Parnoki Amritsar Phuk district kubok Ruzazho semdangba mapangsa Jallianwala Bagh aser Golden Temple tesemtem semdanga liasü.

Linük nung North East ya shilem ka ta angatdaktsütsü aser tarutsü nung terenlok aser amalitep akatsü nükjidong nung iba tour ya ayongzüka liasü.

Iba tour tembangba sentong nung Major General Vikas Lakhera, Sena Medal, Inspector General Assam Rifles (North) ajanga agizüka liasü.

Iba tour ya Kohima nungi November 16, 2023 nü tenzüka liasü aser parnok anogo 11 jajaba mapang Red Fort, Lotus Temple, Qutub Minar, National Science Museum, Pradhanmantri Sangrahalaya aser Delhi Haat tesemtem semdanga liasü.

Iba sentong tatemi lokti

noksa agia liasü aser Assam

Rifles temi Pipe Band display

saya liasü.

Mokokchung nung NCC küm 75 ajungba sentong agi



Dimapur, Yimpoksüi/Nov. 27

(TYO): National Cadet Corps (NCC) küm 75 ajungba nüngtem nung 25 Naga Battalion NCC ajanga sentong ka Hombarnü Mokokchung War Memorial nung "Wreath Laying ceremony" agia tenzük.

Iba sülen nisan atsüketa NCC ken aten.

Iba sentong nung Col CST Swamy, Commanding Officer, 25 Naga Battalion NCC ajanga India nung NCC puti otsü rateta ashi, kong NCC Cadets, Associate NCC Officers aser staff tem dena liasü.

Pai cadet tem dang linük ajungtsü asoshi bendanga agütsütsü aser NCC omen 'Unity and Discipline' sülen teti

anidaktsü ayongzüka liasü.

Paisa Voluntary Blood Donation nungi tajangzük anguba aser 25 Naga Battalion NCC ajanga NCC cadets tem dang azü tenla agütsütsü ajungmesoa yaritepba indang rasaa ashi.

Pai NCC nung adenba aser uniform forces nung A, B aser C certificate alirtem tajangzük aliba indang rateta ashi aser cadets tem dang January 4-13, 2024 anogotem St Joseph University, Chümoukedima nung Combined Annual Training Camp (CATC) akatsü aliba nung shilem agütsü ayongzüka liasü.

Office yanglubishi atema unit nungi Toshimanen aser Meren nem tenüngsang aser tetushi agüja liasü.

Iba sentong tembanga Myangnokcha Government Higher Secondary School, Mokokchung aser Fazl Ali College Mokokchung nungi ex-cadets temi angati azü tenla agüja liasü.

Iba sentong ayongzükba nung yaritepba atema Commanding Officer-i Commandant, 12 assam Rifles aser Dr Apong H Tshipongche, District Hospital Blood Bank dang pelaba lemsatepa liasü.

Iba sentong nung cadets aser staff 80 aden, koba 25 Naga Battalion NCC nungi Lt Col Siddharth Upadhyay, First Officer Temjen aser Subedar Nimai Chandra Das nunger lenisüba kubok agia liasü.

FREE HEARING TESTING & FREE CONSULTATION

WITH QUALIFIED AUDIOLOGIST UPTO 30% DISCOUNT ON HEARING AIDS

*** Invisible * Rechargeable * Water Proof *Bluetooth Connectivity**



1st–6th December | 13th–20th December



Speech And Hearing Clinic

**Unison Speech & Hearing Clinic
103, Lane 2, C-Khel, Kuda Village
Half Nagarjan, Dimapur, Nagaland-797112**

7005331536 | 7899438539



November 27, 2023 nü New Delhi nung Guru Nanak asoba anogomong nung Lok Sabha Speaker, Om Birla-i Gurdwara Rakab Ganj Sahib semdangba mapang tangokba noksa nung angur.

Telangana yangertsü atema state-i BJP nüngdaker: PM Modi

Karminagar (Telangana), November 27 (Agencies):

Hombarnü Karminagar nung Ato kilonser, Narendra Modi-i, Telangana yangertsüji onok mangdang lir; aser iba atemaji state-i BJP nüngdaker, ta metedaktsü.

Karimnagar nung election nüboyim senden ka nung jembidang Modi-i, Telangana nung Chief Minister ji Other Backward Classes (OBC) nungi lenir ka asütsü, ta ashi.

Modi-i, BJP sorkar atema tongtibangtibaji linük terenlok lir, linük kübok state ajak nung terenlokji onok atema tongtibangba lir, ta metedaktsü.

"Kodangsa ni semdangdir ni ola ka dang angashir, aser ibaji 'Tang meziung Telangana nung BJP sorkar arutsü.' BJP-i nenok dang, mezüngbuba Chief Minister ji BC (Backward Class) nungi asütsü ta nangzükogo," ta paisa metedaktsü.

Linük terenlok atema BJP Class nungi nisung ka

atema tongtibangtibaji state tem lir, ta pai ashi.

"Telangana nung terenlok atema taruba küm ponguji kanga tongtibang asütsü. Tanü Telangana state ya küm 10 tain lir. Küm pongu sülen küm 15 tain asütsü. Anungji iba mapang ya kanga tongtibang asütsü. Linük nung tematiba state ji Telangana asütsü atema taruba küm pongu ajanga telemeteba agitsü," ta pai ashi.

"Telangana ya joko onoki tendangtsü mapang ka masü, joko aibelena meinyaktsüla. Onoki Telangana ya parnok sasa meyutsütsü. Joko onoki Telangana yangertsütsüla, aser iba atemaji BJP nüngdaker," ta Ato kilonserisa ashi.

"Madigas nungertem (south tsütsülen Telugu kin) pei temeden angutsü atema BJP nem vote agüjang! Telangana terenlok aser azükaru atema BJP nem vote agüjang! Telangana nung Backward Class nungi nisung ka

mezüngbuba Chief Minister atema BJP nem vote agüjang," ta paisa shisem.

November 30 nü assembly election atema Ato kilonseri party candidate tem atema nübo yimtsür. Modi dak alia Union Home Minister, Amit Shah aser BJP national Tir, JP Nadda natia party candidate tem atema nübo yimtsür.

November 30 nü election agiba sülen December 3 nü vote azüngtsü.

Mongolbarnü nüboyimba tembangtsü lia Congress, BJP aser BRS party temi state tesem ajaklen kanga meranga nübo yimdar.

2018 küm Telangana assembly election nung Bharat Rashtra Samithi (BRS)-i menden 88 nung takok ngua liasü aser ibaji vote shilem 47.4 liasü.

Kasa election nungjisa Congress party-i menden 19 nung takok angu aser BJP-ibo menden ka nung danga takok menguteti liasü.

December nungi India nungeri visa meliaka Malaysia semdangtettsü

New Delhi, Yimpoksüii/ November 27 (Agencies):

December 1, 2023 anogo nungi tenzüka China aser India nungertem visa meliaka Malaysia linük semdangtsü akok, ta Malaysia Ato kilonser, Anwar Ibrahim-i metedaktsü.

Amongnü Putrajaya nung People's Justice Party senden nung jembidang Anwar-i, China aser India nungertem

visa meliaka Malaysia nung anogo 30 tashi mongtettsü, ta metedaktsü.

Linük rongsenketzung aintsü atema Malaysia nungeri raliwalirtem aika atsüer arutsü nükjidong nung iba telemeteba agiogo.

Taoba ita Anwar-i bendangertem, talisa India aser China na nungi raliwalirtem aser investors puatsü atema sangkum visa

facilities agütsütsü sentong metedakja liasü.

Hokolbarnü China-ia, visa meliaka par linük semdangtsü atema Malaysia densema linük trok nungi sensotem nem temelaba agütsütsü, ta sangdonga liasü. Visa meliaka linük trok nungjagi sensotem December 1 nungi sangkum November 30 tashi China semdangtettsü, ajisüaka ibaji anogo 15 tashi dang melatsü.



November 27, 2023 nü Pushkar district nung Pushkar Fair tatembangbuba anogo nung Rajasthan nunger telok ka tangokba noksa nung angur.

Asükwa mongpu Parliament December 4 nungi tenzüktsü

New Delhi, Yimpoksüii/ November 27 (Agencies):

Asükwa mongpu Parliament senden December 4 nü tenzüktsü aser December 22 nü tembangtsü.

Sorkar tenüng nung Parliamentary Affairs Minister, Prahlad Joshi-i December 2 nü anüngdang 11:00 ako nung party ajak senden ka ayongzükogo.

Teti agia Parliament senden jakdang anogo ka jelia party ajak senden ayongzüker, ajisüaka takümbo state pongu

nung agiba/tagidak election votes December 3 nü azüngtsü aliba agi anogo ana jelia party ajak senden ayongzükogo.

Taruba Lok Sabha senden nung Trinamool Congress MP, Mahua Moitra anema benoka aliba 'cash for query' ken o dak sendakba report Ethics Committee-i metedaktsütsü.

Kasa senden nung IPC, CrPC aser Evidence Act agizüktsü imlar, kechiyong tawa Standing committee on Home-i item bill dak sendakba report asem renemogo.

Uttarkashi nung tunnel chirep-dak nisungi ali atu tenzükogo

Uttarkashi, November 2023 (Agencies):

Uttarakhand kübok Uttarkashi district nung Silkyara-Barkot tunnel chirepba lendong nung yangji mapa inyaker 41 anenbangba sülen tang agi hopta tasembuba parnok kümzüktsü merangdar.

Tenemlen nungi ali perüba maneni inyakdar aser Hombarnü 'rat miners' anir aruogo; rat miners team troki 900-millimetre pipe telung nung teka agi ali atu tenzükogo.

NHAI nungi Vishal Chauhan-i, "Teka agi ali atuba maparen tenzüktsü. Team troki telok asem lemsar inyaktsü," ta metedaktsü.

Tenemlen nungi auger machine amshiba ali perüa liasü saka ali metre 57 nungi metre

48 tashi perüa aiba sülen machine ji raksaba sülen iba mapa anena liasü. Kümzükba maparen inyakertemi aonung piyong pipe telung nungi drilling machine tejaksä agitetogo, joko parnoki teka agi ali perüa pipe inoktsü, ta kettangsertemi metedaktsü.

National Highways & Infrastructure Development Corporation Limited MD, Mahmood Ahmad-i, "Onoki metre 30 tashibo perü-a iogo. Tang amshiba machine jagi metre 40-45 tashi perüa itetsü. Iba atemaji onoki ano machine ana bener aruogo. Machine melenteptsü atema mapang agitsü. November 30 tashi nungbo ali perü-a aiba maparen atemtsü onoki imlar," ta metedaktsü.



Chennai, November 27, 2023: Hombarnü Chennai nung DMK Youth Wing Secretary, Udhayanidhi Stalin (tiyong) asoba anogomong nung pai tebu aser Tamil Nadu Chief Minister, MK Stalin aser tetsü, Durga Stalin na den tangokba noksa ka angur.

MP nung tsüngi lendong nung nisung 4 asü

Mumbai, November 27 (Agencies):

Madhya Pradesh nung mongpu masüdang tzünglu sashia aruba den küleme tsüngi lendong nung nisung pezü süogo, ta kettangsertemi metedaktsü.

Hombarnep 8:30 ako tashi state tesem aika nung tzünglu sashia aruogo, aser district kar nungbo tzünglu 100mm dak tali arua liasü.

Amongnü nikongdang Dhar district kübok Umarban yimda apuani na asü aser arrshi küm 10 jabaso kanga mejungi yirua hospital nung yaridar.

Amongnü nikongdang Jhabua district nunga arrshi küm 45 tebur ka alu inyakba mapang nung pa dak tsüngi yaloktsüba lendong nung asü. Ano Barwani district kübok Junajhira yimda nunga arrshi küm 48 tetsür ka tsüngi lendong nung süogo.

Amongnü nungi tenzüka Hombarnep tashi Madhya Pradesh tesem aika nung tzünglu sashia aru; Jhabua district nungbo tzünglu 110.3 mm tashi arua liasü.



TIR YIMYIM

YIMOBILEM (EDITORIAL)

DIMAPUR SANGTENNÜ, YIMPOKSÜ (YIMPOKSÜ) 28, 2023

Kibalembu Ashishir

- Tangsen Lemtur

Mizoram nung Congress-i Lunglei South constituency nungi tokteptsü atema Mizo tsür, Meriam L Hrangchal party candidate shimba atema tawa state yimtiba, Aizawl nung kaketshir tentet Mizo Zirlai Pawl (MZP)-i Congress anema longkak aitba ya Mizo nunger sobaliba aser maitsü kümzüksü atema lir ta MZP-i metedaktsü. Mizoram nung MZP-i Mizo nunger dak alaka tangar/bendanger den kibalembu masütsü ajungshir. Meriam L Hrangchal ya Mizo tsür saka lai bendanger den kibong akümba agi MZP-i la election nung toktepba ashishir. Yakum December ita nung MZP-i yimtenren party ajak dang Mizo nunger masüba bendanger den kibong kümmer alir Mizo tsür shinga candidate meshimtsü jelia metedaktsür liasü. Tawa longkak aitba mapang MZP-i, Mizo Customary ozüng kubok Mizo tsür kati bendanger ka den kibong kümra lai la kinüngbu maitsü aser sobaliba agizüktsüla, ta metedakja liasü. Longkak aitba senden nungjisa MZP-i bendanger den kibong akümer Mizo tsür nem vote magütsü aser Mizo nunger maitsü wazuka ayutsü atema bangzung renema liasü. Pei lima nung bendanger nütsüng teimba kuma Mizo nunger mamoksepdaktsü, pei sobaliba aser maitsü wazuka ayutsü nükjidong nung MZP-i lisopurtemi bendanger den kibalembu masütsü ajungshia arur. Küm ishika tejaklen MZP-i school kar nungbo bendanger den kibong makümtsü atema school tanurtem nem tenangzükba agidakja liasü. Akhidang otsüla-oboula nungeri Naga nunger mesüra Aorbo toktsür yimtsür-yimer den ang kibong akümtsü ajungshia aruogo; yamaji tanü tashi tsürabur karibo pei yimer denang kibong akümtsü ajungshir. Ajisüaka tanü-asüngbo tsürabur aikati 'Aor dang sura kecha masü' ta tangatetba nung yimer densa mesüaka kibong kümaktsür. Ano Naga nungera aikati pei kinsa mesüaka Naga nunger dang serbo ta tangatetba nung tangar kin den kibong akümtsü melunger. Ano Aorsa süaka yim kar denbo lebumazük, ta tsüraburtemi ashishia arur. Bendangertem, talisa tribal masüba nisungtem/mamangertem den kiba lembuba nung tarendaktsü aika lir. Asenokbo kin-kidong taliyim tera jungjunga bushir sülen ang tsüraburtemi melunga aniasunga kibong kümaktsür. Tsüraburi ashi mangai taliyim masü ser nung kibong akümkertembo arr-mashir, anojungi kijung alur, tanur sowa-solem soteter mesüra azükarua masür, aser ibaji tanga kecha masü lembu mazükba agi lir. Mizoram nung Mizo nunger dak alaka tangar/bendanger den kibalembu masütsü ajungshiba ya kuli aika alitsüa akok, ajisüaka parnoki ashiba tongti kuliji, Mizoram nunger sobaliba aser maitsü kümzüksü atema lir. MZP-i lanurtem dang bendangertem, talisa tribal masüba nisungtem den kibong makümtsü ajungshia awareness campaign agir. State nungi lanur aika shisaliok aser mapa bushitsü atema tangaleni aoer aser bendanger ajurua kibalembur, iba jagi MZP-i iba campaign tenzüktsü lemteta liasü. Kibong ka jangratema lia aotsü mesüra maotsüji asenok lembuazük-mazük dak tuluka keta lir. Kibong ka azükarua alitsüji kinüngtsü o kinüngbu nati meranga inyakba kija agi masütsüa akok, taliyim kibalembuba mesüra tetsü-tebou nunger temoatsütem ajanga-a asütsü akok. Akhidang otsüla-oboula nunger mapang nungi kin kidong bentetbenteta kibalembua aru, ajisüaka tanü lanurtem aikati nüknürar den linüdang kecha mashibangi kibong kümteper. Naga nungeri Mizo nunger amaji bendanger den kibalembu menokdangyonga kibalembuba tsütsü asenoki asüngteta aruba ya lanurtem nem angazükdaktsü nüngdak.

OLEMSABANG

ARASENTSÜR, ASÜYIM ASER TASÜBA

~ P. Renty Jamir

(Yashi adok nungi...)

Greek nungeri ashir kodang nisung ka südir tanelaji teti alitsüba alima tajungba kati aor. The soul move into a higher plane of existence. Iba lima yagi aobaji joko country balakati (immigration) aor. Saka asenok lima ama masü taortem kecha nunga passport check mesüi indangindanga borderji atonger. Lenmang piyong gate pass mebeni oteter. Gate pass ta kodang südir item tatalokba bilemteter. 1962 nung onok Impur alidang sodi alutsü atutsü, Unger cutting nung V.G. ajangtsü tsübur Chuchu nung V.G.-i gate pass meshir ano Amguri leni lura Merangkong Army camp gate passmekai ajangtsü makok. Amguri gate ajangtsü makok. Onok yimer telok ka benjung atema aahyangi aoba mapa temer meyipa tarur gate pass samar parnok nisung toku Amguri nung sota yur moyok. Anungji Molungleni tur Yimchenkimong bushia atu. Par yimer December 24 aonung sentepi tuseper lla joko telumi mission kibur ki (benjung tanendak ki) nemketa tua yangji arogo mapangsürtemi jungjunga chiyungdaktsür Milak bushia lla tzümokrū sema ammang piyong jajar December 25, 1963 Bodhbar teruto joko yimer Khristmas sentepi tuseper lla Changtongya atongba bilemteter. Parnok teimba süogo ano karbo taküm lir. Aji oda akümlir lima nungbo passport, Visa, gate pass nüngdaker. Saka asüyimi aotsüba onsara temela. Lenmang nung tetsübutü V.G. Army aser police tenokdangba mali. T.K-23:4. Saka Devachan limajagi aotsüba purtemji people of good character go to Devachan the place of gods. Iba limajagi aotsü asoshi akümlidang itemi renemtsüla ta ashir. Taküm temsüa ochishia meshiteta alitsüla, ashi auür masütsüla, tangar tenzüktsü, temeim agi sünga alitsü tim. Dignity, integrity, service and love.

Ano Devachan lima melena tanela lima ka lir ta ashir aser iba lima dang Hell ta ajar. Aser iba lima yabo Devachan lima den khenyongi opposite. Tetsübutü lima mi jangrur temenen mojing tesa. Hell was an awful place of fire and demons. Iba lima yabo tasazük lenla makabo tesem ka tamang kecha memeir. Hell is the land of no shapes, no feeling, no kindness, no friendship, no love, satans home. Asen tsüraburtemia asüyim ana indang jembir. Tasür tanela anüdokleni oa pungmangra pa/la tajungdaki ogo ta jembir. Anülulen ioa pungmangra timtemdaki ogo ta yashi tashi tsüraburi takzüa jembia aru. Nisung aikati iba lima nung peisasa pei meyong Hell (molumi) yanglur. Many of us create our own hell on earth. Kechiaser mapa tamajung kata memerenshi-i malitsü mesüra tajung inyakba kata senpet magütsü meyutsütsü. No evil act goes unpunished nor does a good action go unrewarded. Anaji shimtettsübaji ne mulung. The choice lies within the individual. Akhidang onok yimer tebur ka asüba otsü jembir. Pa sur Arasentsür ka mangini odaktsü. Saka tesasatsüka pai kinungertem dangi osang yamai bener yok. Ozü kinungertem dang akümlidang teti ochishia alitsü, yazu mejembitsü, mauyatsü, tangar mashioktsütsü ta liang ta or shiang, kechiyong ni asüyim nung kanga timatemer. Pa ya kanga auürjang, ajaki metetba auürbo masü saka tekalen meshitak. Temulung teindang masü ta lla aruba taküm ka liasü. Aser tangari memetet miim menüba tila teri ajak to yangjibo temiimdak maka. Yamaji Takarsangia Abraham dang par kinunger akümlir bilemteter nisung kar yokang ta ashi südi ta bileyer.

Arasentsür ta ajaba ya atamata masü tashi ain tulu akümlir o asür tsüngda o tongdar ta shiogo. Lai nunga yamala Arasentsür indang kodang reprangdangdir ainkar Samuel sur asüyim nung oa aliba Arasentsürlai jar arua Saul Chuba den jembidaktsüba angur. I. Samuel-28:11-12.

Meimchir shirnoksa süogo parnok tanela kata mesamai asüyim (Spirit world) nung oa lir. Anungji Yisu nütsüng Peter, Yakob, Yohan parnok tenük agi ngua Mosa aser Elia Yisu den sensak asemba asenoki jembir. Shakespeare otsü nunga Hamlet tebu tanela adoka pa den jembiba azünger. Taoba America President Ronald Reagan (1981-1989) pa sur küm 5 lir pa kinungtsü Nancy dangi aonung ammang nung arur aser lai pa den jembir. I see the ghost of my dear Ronnie said Nancy. The ghost frequently visits her at night and she speaks to him, Nagaland post 03-06-2009. La arishi küm 87 tebuba sur küm 5 aser Reagan arishi küm 88 nung tena küm 52 kanga putepa lir asü.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züldü
bilemba ken-o ama tazünge ri angateta agitsü mepishir

Kohima Baptist College pur Golden Jubilee mong tembangogo



November 26, 2023 nikongdang Rüzhükhrue GHSS Ground, Kohima nung Kohima Bible College (KBC) pur Golden Jubilee tatembangbuba sentong nung tangokba noksa nung angur.

Kohima, Yimpoksüii/ November 27 (TYO): Nikongdang Christ for The Nations Bible College, Kohima Academic Dean, Rev. Dr. Laxman Kumar Digal leniba nung sentong agi aser tongti o jembirji KBC Principal aser Koinonia Baptist Church nung pastor, Rev. Zotuo Kiewhuo liasü.

Kohima Lotha Baptist Church nung pastor, Rev. Dr. K. Benri Lotha-i salem osang aben, Kikrukhrienu Rio-i ken ka aten aser Atmik Jeevan Ministries Bagdogra nung pastor, Samuel Gupta-i taküm kuli lemsatepa liasü.

Honibar nikongdang Jubilee sentong nung tongti o jembirji Cathedral of Praise Now Generation Outreach Revival Assembly, Shillong tentetsang aser pastor, Rev. Dr. Baptkupar Dunai liasü.

Iba sentong nung jembidang Rev. Baptkupar-i taküm nung timtem balala ajangshiba mapang nung meshisadangi meinyaktsüla saka Tsüngrem atatsüla, kechiyong Tsüngrem nisung ka jatetba mapang nung Pa tenzüksü atema tashi itdaktsür, ta ashi.

Taoba mapang KBC nungi graduate, Rev Dr Dunai-isa Tsüngrem tenzükba wadang balala nung inyakertem dang tanela temeshi nem mapa inyakdaktsüla, ta ashi.

Paisa lokti dang pei taküm nung Tsüngremer tajaba metetsü ayongzük.

Kasa sentong nung Upper Nagabazar Baptist Church, Kohima nung pastor, Ruokuwhelie Pienyü-i Jubilee salem osang lemsatep.

Iba sentong ya taoba mapang KBC nungi graduate aser tesayur inyaker aser tang Phezoucha Baptist Church, Kohima nung pastor, Keduoneituo Yhome leniba nung agi.

Baptist Revival Church, Kohima Village aser Khedi Baptist Church, Kohima Village nungi choir temi ken aten aser Asonuo den medemertemia ken ka aten.

Anepdang 10:00 ako nung kentenba sentong ka agi aser iba sentong nungji Mengu Suokhrie, Ato Nieu, Neihou

as Mary Pau Sian Kim den medemertem aser Chakhesang Baptist Church Minister's Hill, Kohima-i ken aten.

Sopfünuo aser Methaneilie Jutakhrie Solo nunger densema Arogo balala aser reju balala nungi shilem agia liasü. Kasa sentong nungji KBC Principal aser Koinonia Baptist Church tentetsang, Rev. Zotuo Kiewhuo-i tayongzükba o jembi.

Anepdang sentep sentong Chakhesang Christian Revival Churches nung Council Chairman, Rev. Zaseyi Veswuh leniba nung agia liasü.

Nikongdang Christ for The Nations Bible College, Kohima Academic Dean, Rev. Dr. Laxman Kumar Digal leniba nung sentong agi aser tongti o jembirji KBC Principal aser Koinonia Baptist Church nung pastor, Rev. Zotuo Kiewhuo liasü.

Bishop of Stockport, Rev. Sam Corley-i, iba Khristmas carol ajanga taküm tematiba jenjang tongtettsü imlar, ta metedaktsü.

Tenla kidangi arua carol atentsü aser chichiba Khristmas tetezü metettsü atema nüburtem ajungmesotsü nükjidong nung tawa Church of England-i Khristmas ka ya sayaa liasü.

Church of England-i sayaba ken tasenba ya 'The First Nowell' indang ken 'version' tasen ka lir. Iba ken ya nüngtugu ken mejemer aser taoba

ANOGO ABEN TSÜNGREM DEN

Lanur Khrista asoshi

Yerimia 1:1-19

"Asangurtem, nenok tashi tait, aser Tsüngrem O nenok dak alir, aser nenoki tamajungba akok nung, ni nenok dangi zülüogo" (1 Yn. 2:14).

Kodang Tsüngremi Yerimia aja, pai langzü, "Ah, Kibuba Tsüngrem! Ajiang, koda jembitsü ni makok: kechiyong ni tanur ka dang" (Yr. 1:6).

Tsüngremi Yerimia meratati pai tenyaba agizüktsü atema item kuli tenet agütsü-

1. Ni na shimet!

"Ni na tepok nung meyangludang ni na metetta liasü, aser na masüdangyongi ni na meshitetta yutsü; kintem dangi ainkar ka asütsü ni na shimet" (Yr. 1:5).

2. Ni na yoker!

"Ni shir dangi na yokdir na aotsüla" (t.7).

3. Ni ne den aotsü!

"Tetsübu: kechiyong na kümzüktsü ni ne den lir" (t.8).

4. Ni na sayutsü

"Kibubai kü dang ashi, Ajiang, ni kü otem ne bang nung enoktsüogo" (t.9).

5. Ni ne dang melar

"Reprangang, tanü kintem madak aser yimlitem madak atsütettsü aser raksatsütsü, samatsütsü aser meküptoktsü, yanglutsü, aser atemtsü ni na yutsür" (t.10).

6. Ni na anitsü!

"Ano Kibuba O kü dangi jembia aru ... ni parnok anema O bendang ashitsü" (t.11-16).

7. Ni na tashi itdaktsütsü

"Na anema parnoki makoktsü; kechiyong ni ne den na kümzüktsü asoshi lir" (t.17-19).

'The First Nowell' carol atentsü atema nisung 3,000-i tenüng agütsüogo

November 27, 2023: Church of England indang Khristmas carol ken ajanga 'Christmas Number 1' jenjang tongtettsü

nükjidong nung iba ken atenba nung shilem agitsü atema tenüng meshiba sülen tang tashi nung nisung 3,000 dak temai tenüng agütsüogo.

Bishop of Stockport, Rev. Sam Corley-i, iba Khristmas carol ajanga taküm tematiba jenjang tongtettsü imlar, ta metedaktsü.

Tenla kidangi arua carol atentsü aser chichiba Khristmas tetezü metettsü atema nüburtem ajungmesotsü nükjidong nung tawa Church of England-i Khristmas ka ya sayaa liasü.

Church of England-i sayaba ken tasenba ya 'The First Nowell' indang ken 'version' tasen ka lir. Iba ken ya nüngtugu ken mejemer aser taoba

mapang King's Singer telok jangradaktsür," ta metedaktsü. nung züngsem, Bob Chilcott-i züluba ken lir. Iba ken ya St Martin's Voices-i aten.

Church of England-i, carol sentong aser Khristmas concerts nung iba carol ya linük tesem balala nungi choir temi atentsü aser 'sheet music' angati angutsü, ta metedaktsü.

Iba carol ken atentsü atema tang tashi nung nisung 3,000 dak temai tenüng agütsüogo. Parnoki iba ken ya Chichester, Lincoln aser Winchester densema yimi balala nung aliba Tenla kitem nung atentsü. Iba dak alia Khristmas atongtsü anogo ka lia (December 24) Portsmouth Cathedral nungi 'live' atenba BBC1 aser iPlayer nung sayutsü.

Putir, Rev. Sam Corley-i, "Carol atenba ya sobaliba ka lir aser iba ya ajanga Khristmas amongtsü atema asenok ajak

"Asenoki Yisu Khrista asoba osangtajung asentenshir angashiba mapang nung kenjang kasa saka kensübo tasen ka ajanga ajaki kodak tenyartem den külemi benjungtepa iba ken ya atentsü onoki imlar," ta pai metedaktsü.

"Na teti Tenla kidangi aoer ka asütsüa akok mesüra joko mapang talangka maoer asütsüa akok, ajisüaka taruba Khristmas nung na aliba tesem nung ner Aroga nung adentsü atema jaoker," ta paisa metedaktsü.

Iba ken ajanga ajangzükterba senji UK nung ki malirtem yariba telok St Martin-in-the-Fields Charity nem agütsütsü.

2021 küm December ita nunga Church of England-i Khristmas ken ka sayaa liasü. Rebecca Dale-i mejemba kenji ajanga Classical Charts nung temaba jenjang nguteta liasü.

Pei taküm nung Tsüngrem tajaba metettsüla: Rev. Dr. Baptkupar

Kohima, Yimpoksüii/ November 27 (Agencies):

Honibar nikongdang Rüzhükhrue GHSS Ground, Kohima nung Kohima Bible College (KBC) pur Golden Jubilee pongunübuba sentong nung tongti o jembirji Cathedral of Praise Now Generation Outreach Revival Assembly, Shillong tentetsang aser pastor, Rev. Dr. Baptkupar Dunai liasü.

Iba sentong nung jembidang Rev. Baptkupar-i taküm nung timtem balala ajangshiba mapang nung meshisadangi meinyaktsüla saka Tsüngrem atatsüla, kechiyong Tsüngrem nisung ka jatetba mapang nung Pa tenzüksü atema tashi itdaktsür, ta ashi.

Taoba mapang KBC nungi graduate, Rev Dr Dunai-isa Tsüngrem tenzükba wadang balala nung inyakertem dang

taneli temeshi nem mapa inyakdaktsütsüla, ta ashi.

Paisa lokti dang pei taküm nung Tsüngrem tajaba metettsü ayongzük.

Kasa sentong nung Upper Nagabazar Baptist Church, Kohima nung pastor, Ruokuwhelie Pienyü-i Jubilee salem osang lemsatep.

Iba sentong ya taoba mapang KBC nungi graduate aser tesayur inyaker aser tang Phezoucha Baptist Church, Kohima nung pastor, Keduoneituo Yhome leniba nung agi.

Baptist Revival Church, Kohima Village aser Khedi Baptist Church, Kohima Village nungi choir temi ken aten aser Asonuo den medemertemia ken ka aten.

Anepdang 10:00 ako nung kentenba sentong ka agi aser iba sentong nungji Mengu Suokhrie, Ato Nieu, Neihou Sopfünuo

aser Methaneilie Jutakhrie Solo nunger densema Arogo balala aser reju balala nungi shilem agia liasü.

Kasa sentong nungji KBC Principal aser Koinonia Baptist Church tentetsang, Rev. Zotuo Kiewhuo-i tayongzükba o jembi.

Amongnü temoatsü sentep sentong Chakhesang Christian Revival Churches nung Council Chairman, Rev. Zaseyi Veswuh leniba nung agi, taoba mapang Kohima Bible College (1974-1984) nung Registrar, Rev. Dr. Mati Joseph-i Tsüngrem O jembi aser KBC Tir, Abei-ü Neihulie-i Jubilee salem osang lemsatep.

Nikongdang Christ for The Nations Bible College, Kohima academic dean, Rev. Dr. Laxman Kumar Digal leniba nung sentong agi aser KBC Principal, Rev. Zotuo Kiewhuo-i Tsüngrem O jembia liasü.

AO OSHI ANGAZÜKDAK:
TANÜ ANGAZÜKTSÜBA OJANG
**Senmang**

(n) pei tsüraburtem nungi pei meyong kuma ali rongsen anguba (inheritance)

* Tanü asüngbo tetsür tebur senmang tepila mali kümogo.

Senmen

(n) tetsür agitsü aniasünger külen tebursangi tetsürlar tsürabur nem agütsüba senpet

(Engagement gift given by groom to his to be parents-in law.)

* Kibalembuba sobaliba nung senmen ya kanga tongtibang shilem ka lir.

OLONG PAITEP # 6627

1	2		3	4	5
		6			
7	8				
9		10		11	12
	13		14	15	
16		17		18	
	19	20			
21	22				23
24					

TIPLÉN


TIPLÉN	LANGTSÜNGLEN
1. Saku	- (4)
6. Songjen	- (7)
7. Mali/Tazung	- (4)
9. Tasen apok	- (6)
11. Songtem	- (3)
13. Ata liasü	- (5)
16. Tzünglu den külema tsüker	- (3)
17. Aso tila	- (6)
20. Tashi makum	- (4)
24. Tenüng kasa jatepba	- (7)
25. Ki yangluba oset	- (4)
1. Taksep	- (3)
2. Langtem	- (5)
3. O tamendaktak	- (4)
4. Nütsü tebuba	- (3)
5. Anüngdang tesangwa	- (3)
6. Apitet	- (5)
7. Yagi jungdaktsür	- (4)
8. Anogo semer ka	- (3)
10. _ _ tatsü	- (3)
12. Tebur kidong aser zünga kasatsüngda jatepba	- (4)
14. Pela agizükba tapu ka	- (5)
15. Tenüng atet	- (3)
18. Mejanga onü	- (5)
19. Talak techira	- (4)
21. Maneni	- (3)
22. Nübo teyi	- (3)
23. Meshi	- (3)

OLONG PAITEP # 6626 TELANGZÜBA**TIPLÉN :**

2. Pongsen, 5. Lepko, 7. Omen,
8. Maongka, 10. Yangkhu,
12. Senpong, 14. Angu,
15. Raksa, 16. Arameso,

LANGTSÜNGLEN :

1. Alimang, 2. Pongan,
3. Samaru, 4. Nün, 6. Pio,
9. Nüngdak, 10. Yongya,
11. Kongro, 13. Ora, 14. Ata.

NAI-A YA METETTER MA

Randeep Hooda aser Lin Laishram na November 29, 2023 nü Manipur yimtiba Imphal nung kibong akümtsü. Randeep ya Hindi cinema actor nüngtugu ka lir aser pai English film kar nung shilem agiogo. Külen Linthoingambi Laishram "Lin" Laishram ya Manipur nungi model, actress aser businesswoman ka lir.

Tanur asoba anogo nung salem osang den noksa angati adokdaktsünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Temai adokba telungpurtemi Rs 500 crore package meshir

Agartala, November 27, MLA lir.

2023 (Agencies): Tripura United Indigenous People's Council (TUIPC)-i temai adokba telungpurtem yaritsü atema Rs 500 crore special central package meshiogo.

State sorkari 1988 Tripura National Volunteers (TNV) peace accord nung nangzükbatem meinyaker ta TUIPC chairman Ranjit Debbarma-i ashi.

"Onoki November 22 nü Delhi nung Ministry of Home Affairs (MHA) special secretary AK Mishra den ajurutep aser Tripura nung temai adokba telungpurtem indang khuret lemsatepa memorandum ka agütsü" ta Debbarma-i ashi.

Debbarma ya All Tripura Tiger Force (ATTF) tanishir liasü aser tang Tipra Motha

"TNV agreement nung ozüng alema agiba ali ajak meyipa agitsü aser The Tripura Land Reforms Act, 1960 kübok lisopurtem nem agütsütsü ta nangzük. Saka ibaji mapa kuma meinyak. Ano temai adokba telungpurtem nem mapa magütsü. Onoki Mishra den item tebilemtsü lemsatepogo aser teyari meshiogo" ta pai ashi.

"Onoki special secretary dang ATTF aser state sorkar tsüngda 1993 peace accord mapa kuma meinyakba shiogo. Iba peace accord nung sign sütepang temai adokba telungpur shia nem Rs 20,000 agütsütsü ta ashi saka Rs 15,000 dang agütsü aser tanüngba senji ruling party lenirtemi agi" ta Debbarma-isa metedaktsü.

ashi.

"Central forces tsüngdang temai adokba telungpur 600 shi kati tang tashi rehabilitation package mangu lir. Onok dang rehabilitation package manguba telungpurtem tenüng bidentsü aser MHA nem agütsütsü shiogo" ta Debbarma-isa ashi.

Rs 500-crore package nung temai adokba telungpur (arishi küm 50 ajunger) shia nem Rs 10,000 pension agütsütsü dena lir, ta paisa shisem.

Tripura United Indigenous People's Council (TUIPC)-isa Governor Indra Sena Reddy Nallu, Chief Minister Manik Saha aser Chief Secretary JK Singha nunger den ajurutepa tebilemtsü khurettem lemsateptsü ta Debbarma-isa metedaktsü.

Assam sorkari SHGs nem Rs 1.10 lakh agütsütsü: Minister Hazarika

Guwahati, November 27, agütsütsü nangzükogo ta Minister-isa ashi.

2023 (Agencies): Assam state sorkari Self Help Groups (SHGs) ajak nem Rs 1.10 lakh teyari agütsütsü ta minister Pijush Hazarika-i ashi.

Kalingduar nung Bharatiya Janata Party (BJP) sentong ka agidang Hazarika-i "BTR nung BJP tashitaitba kümogo aser nübor temi BJP moatsür" ta ashi.

Tanü senden nung nisung 7,000 nungi 8,000 shi kati Prime Minister Narendra Modi, Chief Minister Dr. Himanta Biswa Sarma aser BJP party meimer ta paisa ashi.

Onoki nangzükba ama zünger mapa manguba lanur 35,000 mapa angutsü. Congress-free Assam nung BJP sorkari yimtsüng aser jilatem nung lanur temi sorkar mapa nguogo. Assam nung Orunodoi scheme holders nem Rs 1450

MSP system tenzükogo aser iba ajanga aluyimertemi jenjang tajung angur, ta Hazarika-isa ashi.

"Chief minister Sarma-i Assam ya linük nung tematiba state pungu nung dendaktsünür. BTR nung floodwater atema Rs 18 crore lemzükja lir. Kümshia flood control atema Rs 120 crore agütsütsü. Tesüiba küm ana tsüngda BJP sorkari embankment roads kilometres 11,000 yangluogo" ta paisa ashi.

Prime Minister Narendra Modi aser Home Minister Amit Shah na lenisüba kübok BJP sorkari BTR agreement tembunga liasü.

BJP sorkari mapang women's self-help groups nungi tetsür lakh 4 shia nem Rs 25,000 agütsü. Tang SHG shia nem Rs 1,10,000 senotsü teyari agütsütsü ta Minister Pijush Hazarika-isa ashi.

Ganja shibelenba atema Indigo Airlines mapa inyaker ka apu

sülen police-i kanga junga mita ao. Idangji Sudip Debbarma ket nung dry ganja seret 20 bona aliba apu. Iba mapa nung yaritepba atema Nelson Jamatia ta ser nisung ka apu. Police-i NDPS (Narcotic Drugs and Psychotropic Substances) section kübok ken o benoker bushisüngdang südar" ta SDPO Parmita-isa ashi.

Nelson Jamatia-i Indigo Airlines nung executive security officer ka ama inyaker ta laisa ashi.

Jamatia ya Abhaynagar area aser Sudip Debbarma ya Sidhai area nung alir.

"Tanü apuba ganja indang jenjangji Rs 3 lakh shi asütsü. Tenaprong okadaki anir ao aser tepuokdak ayutsü temelaba agütsüiogo" ta SDPO-isa ashi.

Ganja shibelenba maparen nung ano nisung kar densema alitsü akok aser tena dang asüngdangya asüdang jungkai adoktsü ta Parmita Pandey-isa shisem.

Agartala, November 27, 2023 (Agencies): Tripura Police-i November 27 nü Indigo Airlines nung inyaker ka den nisung ana apu. Maharaja Bir Bikram Airport, Agartala nung

Airport police station ajanga cannabis shibelenba osang ka angazük ta New Capital Complex Sub-divisional Police Officer (SDPO) Parmita Pandey-isa ashi.

"MBB Airport ajanga ganja shibelenba osang angazükba

Israel-Gaza rara anena aliba mapang atsülangtsü jembir

Tel Aviv, Yimpoksü/Nov. 27 Brussels-i aotsü, kong Gaza tebilemtsü indang ya jembitsü.

(Agencies): Israel-Gaza rara anena atatsü züngzüktepba anogo tatemleni aruba mapang ano mazüngi jembishinüba mapang lir.

Israel, Hamas, United States aser danga linüktemi Deobar aonung aser Hombarnep sangdong balala agütsüba nung rara anogo pezü asoshi anena ataba atsülangtsü nüngdakba shia liasü, koba Hombarnü tembangtsü.

Lintük ana tsüngta tepuokdak alirtem aser pua alirtem telok pezü buba melenteptsü renemba mapang linük balalai rara anena aliba mapang atsülangtsü asoshi maneni jembir. Pua alir talila nisung 10 chioktsü asoshi ano anogo ka memaki atatsü renema lir ta Israel-i shiogo, ajisüaka parnoki takok mangtashi maneni raratsü tebilemba lir ta nenshia ashir.

Pua alirtem mechiohma tashi Israel aser Hamas tsüngta khen atema rara anena aliba mapang atsülangtsü imlar, ta US Tir Joe Biden-i Deobarnü shia liasü. Honibarnü Palestine nunger telok, Hamas-i ano nisung 17 tali chiokogo aser yangji arishi küm pezü tanur Israeli-American tsür ka dena lir.

Asüng alema rara anena atatsü ya kü nükjidong, ya asen nükjidong, kechiaser ibaj iajanga asenoki pua alir tali angutsü aser Gaza nung nüngdaka alibapur nem teyari tali agütsütsü, ta Biden-i osangbener senden ka nung ashi.

Hombarnü US Secretary of State Antony Blinken-i Israel semdangtsü imlar aser iba sülen pa NATO foreign minister tem senden ka nung adentsü

takok ngua yokogo ta ashi.

Anogo pezü rara anena atatsü taoba hopta molungtepa ya Hamas-i October 7 nü Israel nung nisung 1,200 tepseter ano nisung 240 shi Gaza-i pua bener aoba sülen hopta tenet tashi rara arur rara anena ataba mezüngbuba alitsü.

Iba lendong agütsüba langzüa Israel-i Gaza nung tayimtsü amshia bomb pokloktsü aser alilen nungia tesem balala makyonga ao. Palestine nunger nisung 14,800 shi tepsetogo aser ano meyirijang aika pei ki yutsür tesem balala nung jenoka lir, ta Gaza health ketdangsür temi ashir.

Linük balalai meranga inyaktepa aser jembishinüaka rara anena ataba mapang atsülangtsü ya makoktsü amai bilemer.

Pua alir nisung 10 chioktsü melena anogo talila ka rara anena atatsü asoshi Hamas nungi telangzüba atar, ta Israeli Army Radio ajanga Hombarnü ashi.

Israel aser Hamas tsüngta mapang tatsüka asoshi rara anena atatsüba inyakyim nung tetstükdaktsü ajuruba jembitsü asoshi Blinken-i Egypt foreign minister Sameh Shoukry den Deobarnü jembi, ta Egypt indang foreign ministry ajanga ashi.

China indang diplomat Wang Yi-i tan hopta New York semdanga United Nations Security Council senden nung Israel-Hamas rara indang jembitsü, ta Beijing indang foreign ministry-ia ashi.

European Union ketdangsür temia rara anena ataba mapang atsülangtsü asoshi pari akokba lenmang nung inyakteper.

SHILUA BILEMTETER

Küm aser anogotem sütaker mongin süksen lulenteper ama süitemer, tsüngküm mongputem melentepen melentepen. Süngbenliben tanaben shilua aponger, ayong nung tzü tanaben pokteta ayimer, saka meimchir takum khen dang lirbo tanaben kodanga marur. Saka Oba nü tsüngchi tsüngi o aongmededang mapang aben ozü narong nung medangoktsüdang aser bilemtetdang iba tsüngnep nung onok marakzü jajadargo. Temeim Oba na kibuba dangi or küm pongu rentetaka Tsüngrem nungi anguba senmang tulutiba nü jala-jabasotemi na mangli sangwali bilemteter.

Jala-jabaso, Semchirsemnur, Kidangkimang.



**OFFICE OF THE
JANGPETKONG STUDENTS' CONFERENCE**

H.Q : Alongkima, Dist:- Mokokchung : Nagaland.

Motto : - "Advancement in Unity"

KONANG TETUSHI AGÜTSÜR

NPSC/CTSE (Medical & Allied) Tatidang nung takok tulu anguba asoshi item takok angur nem konang tetushi akütsür.

1. Ms. Akumla Longchar,
D/o Late. Lima Longchar & Mrs. Temsupokla (Waromung)
2. Dr. Arennungla R,
D/o Mr. B Rolland Ao & Mrs. Tiajungla (Waromung).
3. Ms. Benlinaro,
D/o W. Limameren Longkumer & Y. Imkongli Jongko (Dibua)
4. Ms. Benjongnaro Longkumer,
D/o Kiremwati Longkumer & Akangkokla Pongan (Dibua).
Manen-i nenok wadang Tsüngrem-i tali moajangma.

Sd/-
(Alemsashi)
President, JKTM.

Sd/-
(Imliakum)
General Secretary, JKTM.

Office of the
Khensa Village Council

Mokokchung - 798601, Nagaland

SANGDONGER

17-11-2023 anogo nung Mr. Aotemjen S/o Chubaremba, aser Mr. Wapanglemba S/o Late Senwatiba, tenati Khensa yimden anema facebook nung osang tamajung prokshiba agi 24-11-2023, nü tenajaoka Khensa yimden-i tena dang sobaliba nung aliba ama tapet temerenshi agütsügo ta sangdonder.

Sd/-
I.Alemmeren Longchar
Chairman
Khensa Village Council

Sd/-
Zulutoshi
Secretary
Khensa Village Council

ALI TAYOKTSÜ LIR

Lungmen Fellowship (Burma Camp) Sentep ki anasa.

Total 23,000 sq.ft.

No Brokers please. Contact. 8118924389

Vermont nung Palestine nunger 3 khaset: temulung melemei bilemer ka puogo

Vermont, Yimpoksü/ metetdaktsüogo.

November 27 (Agencies): Burlington, Vermont nung osangbener aser tali amak tatemleni. "yashi lintük yimtiba amakertem rongnung tongtibang lenirtem kar onoki puogo aser parnok dang tang security force temi ken o ashishidar," ta ashi.

"Parnoki iba jenjang kechiba agi iba indang tejangja metetba sülen onoki sorkar coup asütsü merang asü masü iba indang osang agütsütsü," ta paisa shisem.

Africa teyong aser anüolen linük aika military yimsüuba kubok lir, kong Sierra Leone kidanger Guinea aser ano Mali, Niger aser Chad densema lir.

BBC osangbener ashiba agi, iba telok yagi Deobarnü anepdang tir ki amaktsü sentong liasü. Ajisüaka armoury ka mazüoktetba aser tir Julius Maada Bio indang security majangtetba ajanga parnok tamakok ngua liasü.

Bah-isa, tepuokdak nungi jena aoertem dang tebuslidak lir, ta ashi.

Police-i ashiba agi, jason ya lendong atalokba tesem anasa apartment ka nung alir. Pa ya kaketshir asem tepsetba tesem nung pua liasü, ta Daily Mail sangdong ka ajanga metetdaktsü.

Kaketshir asem ya Hisham Awartani, Kinnan Abdel Hamid aser Tahseen Ahmed ta jangjaogo. Parnok asemprongla arishi küm 20 tain liasü. Civil rights organisations aser asür kinungertem ketdangsürtem dang ken o bushisüngdangtsü atema mepeshia (Maneni tapak 8 nung...)

Sentong kangajunga yanglur Sierra Leone yimtiba amak: Bah

balclavas semer liasü.

Sorkar coup asütsü merang asütsü akokba ta jembiba indang telangzüba agütsüdang Bah-i, "yashi lintük yimtiba amakertem rongnung tongtibang lenirtem kar onoki puogo aser parnok dang tang security force temi ken o ashishidar," ta ashi.

"Parnoki iba jenjang kechiba agi iba indang tejangja metetba sülen onoki sorkar coup asütsü merang asü masü iba indang osang agütsütsü," ta paisa shisem.

Africa teyong aser anüolen linük aika military yimsüuba kubok lir, kong Sierra Leone kidanger Guinea aser ano Mali, Niger aser Chad densema lir.

BBC osangbener Umaru Fofana-i ashiba agi, Deobarnü barrack amakertem karibо military uniforms aser

Freetown, Yimpoksü/ November 27 (Agencies): Sierra Leone nung telok kati sentong kanga junga yanglur military barrack ka amak aser tepuokertem noklang aika chioka liasü, ta information minister-i ashi.

Linük yimtiba Freetown nung mepetmesü adokba sülen Deobarnü linük ajunga nung curfew benoka liasü.

Iba tesem amakba ya kanga dang süoki ia agütsüba ken o ka lir, ta Information Minister Chernoh Bah-i ashi.



"Item nisungtem yagi kanga junga sentong yanglur security makogo," ta pai Hombarn anepdang curfew aginba sülen BBC Newsday programme dang ashi.

Bah-isa, tang aser taoba mapang military ketdangsürtem iba inyakyim nung densema liasü aser parnok rongnung karbo security force temi sota yuogo.

BBC osangbener Umaru Fofana-i ashiba agi, Deobarnü barrack amakertem karibо military uniforms aser

Italy-i Davis Cup final nung Australia kokogo

Yimpoksüi/November 27, 2023 (Agencies): Jannik Sinner-i anir hopta tepeyong Novak Djokovic dena akokba kanga junga asayaba sülen.

Italy team-i Deobarnü Alex De Minaur-i aniba Australia team 2-0 agi koka küm 50 shi nung tang mezüngbuba Davis Cup title benogo.

Final nung mezüngbuba kija asaya nung Matteo Arnaldi-i Alexei Popirin akokba sülen Italy nunger rongnungi number one asayar Sinner-i kanga junga asaya De Minaur 6-3 6-0 agi ayong ayonga koka liasü.

Sinner ya world number 4 asayar lir aser pai iba asayamung nung asaya pongu asayaba pongoprongla Italy team final-i yok aser ghonda 24 sülen final nunga Sinner-i kanga junga asayatetogo.

Final nung mezüngbuba kija asaya nung Arnaldi-i, 7-5 2-6 6-4 agi Popirin koka liasü.

Serbia den semifinal asayaba mapang masayadaktsüba

sülen captain Filippo Volandri-i final nungbo Arnaldi dak tamang ka-a aniok aser yamaji

pai takok tajung ngutetogo.

Sinner ya tang kanga junga asayaba mapang ka lir aser pa taoba hopta ATP Finals nunga final tonga asayaogo, kong pa Djokovic-i tsüdkaja liasü. De Minaur aser Sinner na taoba asaya pongoprongla Sinner-i koker liasü.

Lleyton Hewitt-i aniba Australia team ya küm anabuba atonga final nung tsükogo. 2022 kuma parnok final nung Canada-i koka liasü.

Italy aser Australia na taruba küm 16-nation Finals atema qualify süogo, koba yimi pezü nung asayatsü, ta ITF-i Deobarnü metedaktsü. Iba asayamung semifinal ya Malaga nungsa asayatsü.

IPL: Hardik Mumbai Indians-i meyipaogo, Gill GT captain kümogo



Hardik Pandya

New Delhi, Yimpoksüi/November 27 (Agencies): i pa sempet sayuogo aser club-Deobarnü nungi imla aliba ama all-rounder Hardik Pandya-i Gujarat Titans toktsüogo aser pa melena opener Shubman Gill captain asütsü shimogo.

Gujarat Titans, shirnoki IPL nung parnok mezüngbuba asayaba küm Hardik Pandya lenisüba nung IPL koka liasü, parnoki Hombarnü sangdong ka ajanga India nunger all-rounder ya season ana kanga takok ngua asayaba sülen club toktsür, ta metedaktsü.

Gujarat Titans-i sangdong ka ajanga ashiba agi, "pa team nungi asayaba mapang Hardik-

Onoki pa telemtetba akümtsübur aser pa tarutsü nung takok nguyonga aotsü imlaja atar."

IPL 2024 masaya tsüngda Gujarat Titans-i team anitsü asoshi Shubman Gill shimogo. Captain asütsü asoshi shimba indang jembiba mapang Shubman Gill-i, "Gujarat Titans captain mapa abentsü asoshi kanga nema danga bilemer aser kanga pelar aser ano iba amala team tajung ka anitsü asoshi küdak tamang katetba atema club danga kanga pelar. Onok season ana kanga junga asayaogo aser tejakdang ser team len anitsü yongya atar," ta ashi.

Kasa mapang nung Solanki-i, "taoba küm ana tsüngda Shubman Gill kanga renlokogo aser pa tang temaba jenjang nung asayaba mapang ka lir. Pa batting nung dang renlokba masü saka lenir-a tajung ka kümogo. Pai teyari agütsüba ajanga Gujarat Titans pur kanga tashi ita kümogo aser 2022 küm takok dangi aniba den 2023 kümä final tonga asayatetogo," ta ashi.

"Pa kanga mejungi yirur aliba nungi meyipa arur asaya asünung terabo shisabulua liasü. Pa temekok masü saka tetsüng teloktep yiru asütsü ta bilemer, saka ajia onok asoshi tang kanga takoksa tulu lir," ta paisa shisem.

Tottenham pur tang taoba league asaya asemprongla nung tamakok nguogo aser parnok

Tottenham nungi asayar Bentancur yirur masayatettsüa kümogo



Yimpoksüi/November 27, 2023 (Agencies): Deobarnü parnok ano hopta aika Aston Villa goal 2-1 agi makokba asaya nung Uruguay nunger midfielder Rodrigo Bentancur asaya mezüngbuba shilem nung yirur tuguatokba sülen Tottenham Hotspur pur ano asayar ka yiruogo.

Arishi küm 26 tain asayar ya temekok yiruba ajanga ita ti tashi masayai lir tawa ang meyipa arur asaya liasü aser pa iba asaya nung mezüngbuba tetenzük nungi asaya liasü, ajisüaka Matty Cash-i pa kanga mejungi alangdaktsüba sülen pa minute 26 buba nung yirur tuguatok.

"Pa masayatettsüa akümba ajanga ni kanga tezüdanga liasü, kechiyong pai asaya kanga junga tenzük aser ibayongji onoki asaya kanga junga azüoka asaya liasü," ta Spurs manager Ange Postecoglou-i ashi.

"Pa kanga mejungi yirur aliba nungi meyipa arur asaya asünung terabo shisabulua liasü. Pa temekok masü saka tetsüng teloktep yiru asütsü ta bilemer, saka ajia onok asoshi tang kanga takoksa tulu lir," ta paisa shisem.

Tottenham pur tang taoba league asaya asemprongla nung tamakok nguogo aser parnok

Vermont nung Palestine nunger... (Tapak 7 nungi...)

Ketdangsürtemi ashiba agi, "temulung melemi bilemsang mapu tsüngda asür dak sendakba nung tanga osang kecha tang tashi jangja mali." Police-isa, lendong atalokba tesem nung bendenba kulitem federal database ka nem agütsütsü renema lir, ta shiogo. Deobarnü FBI-i ashiba agi, iba taatalokba dak sendakba nung ken o bushisüngdangtsü atema parnok renema lir.

BILEMDANGANG
"Junga metenzüktetaka tebor junga tembangtsüji kanga tongtibang."

Olympic Shooting Selection Trials May 3 nützenzüksü

Yimpoksüi/November 27, 2023 (Agencies): National Rifle Association of India (NRAI)-i ayongzüka, pistol aser rifle events atema 2024 Paris Olympics selection trials May 3 aser 23 nü New Delhi aser Bhopal nung agitsü.

NRAI sangdong ka ajanga ashiba agi, trail mezüngbuba set ya Karni Singh ranges nung May 3 nü agitsü aser tanabuba trials May 23 nü Bhopal nung agitsü.

Ajak senteper trail pezü nung set anana asayatsü aser score tajungtiba score asür asem Olympics atema squad nung züngoksemtsü asoshi Final Average Score (FAS) atema asadangtsü.

Paris Olympics atema team shimtsü asoshi inyakyim

Policy tasenba kübok Olympic quota angurtem, Asian Games, World Championships, World Cups aser Asian Championships medallists tem nem 2020 Tokyo Olympics masaya tsüngda agütsüba ama point aika magütsü.

NRAI-isa, May 3 aser 23 trials nung shilem agütsüpurtem indang eligibility criteria latettsüogo.

Olympic quota holders/deemed quota holders of an event, asayar shirnok domestic ranking 1-3 aser ISSF Championships ana nung shilem agiogo parnok, aser iba den ano tanga category kar densema item criteria ajangteterem Olympic selection trials nung shilem agitsü.